



陸敕先詩集序

余老皈空門迢然以前塵影事洮汰一切顧於平生舊遊昔友未能舍然風前月下時時餘塵瞥起自知猶落情網中悔懺除不早也陸子敕先別余垂二十年客歲賦上巳文讌詩連章及余余心爲癢癢然頃手排其詩稿示余寒窗短檠讀之分夜不忍釋手莊生有言越人去國期年見似人者而喜逃虛空者聞人足音蛩然而喜古之至人猶不能無情而况于余乎佛言衆生爲有情此世界爲



情世界儒者之所謂五性六情也性不能不動而
爲情情不能不感而緣物故曰情動于中而形于
言詩者情之發于聲音者也古之君子篤于詩教
者其深情感盪必著見于君臣朋友之間少陵之
結夢于夜郎也元白之計程于梁州也由今思之
能使人色飛骨驚當饗而歎聞歌而泣皆情之爲
也余老耄屏居爲人世之長物而敕先廻翔記存
若昆弟親戚之聲效于吾側者昔人夢中相尋再
三却反何以異此敕先蓋斯世之有情人也其爲

詩安得而不工讀敕先之詩者或聽其揚徵騁角
以按其節奏或觀其繁絃縟繡以炫其文采或搜
訪其食跖祭獺採珠拾翠以矜其淵博而不知其
根深殖厚以性情爲精神以學問爲孚尹蓋有志
于緣情綺麗之詩而非以儷花鬪葉顛倒相上者
也余于採詩之後撰吾爨集一編蓋唐人篋中之
例非敢以示人也長干少年疑余復有雌黃戲題
其後云杜陵矜重數篇詩吾爨新編不汝欺但恐
旁人輕著眼針師門有賣針兒聞者一笑而解今

吾敘敕先詩趣舉吾兩人交情不敢妄有論次老
人多畏如此可笑也然敕先年力俱富其詩名當
益高世之啁嘲者將不能致師于敕先而又以販
針罪我乎敕先其爲我善備之哉庚子嘉平月十
有九日江村老友蒙叟錢謙益序

陸敕先詩序

常熟滙江海湖山之秀而爲吳郡一望縣在昔春
秋時先賢游于聖人之門以文學顯而南方之學
得其精華漢唐以下代有聞人迄有明隆萬之季
古學凌夷儒術衰息兔園村夫子教其子弟都爲
程文熟爛之習而以博聞強識爲諱文采風流蓋
蕩然矣牧翁先生出而振起之于是海內學者始
知讀書嗜古一時人才羣出其門下而吾友陸子
敕先者先生之高第弟子也敕先好學深思沈酣

載籍作爲詩歌渾淪盤礴含英咀華得先生之教
居多間嘗讀先生集得虞山詩約敘其告敕先纍
纍數百言而其指要歸于風騷之義欲學者深造
自得以求跂乎古人敕先師承其訓鏃礪刮摩多
歷年所然後出其所作撰次成集余讀之而重有
感也士之爲學必有師師者所以傳道授業解惑
也漢之韓毛馬鄭之徒其爲詩也訓詁章句而已
學者猶然習其讀而信其傳而況于作者乎是故
有屈子則有宋玉有退之則有李翱有永叔則有

聖俞子美莫不雅有淵源迺祖述所謂水濕火
燥各從其類者也後世軀材小生奮其私智菲薄
前人其于先生長者之教或身入其室而手操其
戈或陰用其言而陽背其說風俗之日媮而人心
之不正也可勝歎哉先生之論詩也原本風騷別
裁僞體蓋文章之大成詩人之總萃也敕先尊先
生之書如法律之不違用先生之道如規矩之不
易其詩之日新月盛又何疑乎余自媿失學艾而
無聞逝將卜宅尚湖之濱問津于二三好古之君

子而得聞先生之緒論焉敕先許我其以斯序爲
息壤可矣蔚村同學弟陳瑚拜撰

陸觀菴先生詩序

觀菴先生與馮鈍吟遊錢宗伯之門才名相頡頏
先生學無所不窺尤長于詩自漢魏六朝三唐兩
宋莫不上下漁獵含英茹華以自成其一家之詩
爲人高自標置而不忤于物贈友句云與君百尺
樓頭卧世上猶爭上下床其風概可想矣少年英
氣勃勃常欲有所樹立時命不偶乃頽然自放全
用其精力于詩有飯顆山頭之態其自道云鍊字
總吟千遍少賞音劣得一人多其刻苦獨得如此

定遠沒邑中老成落落惟先生爲碩果余童時即
耳先生名丙午秋余家有鶴下庭中先生異之軒
然一來遂定友焉不以余無似而拳拳指授詩法
裨益殆多丙寅年先生疾革顧謂余曰吾不遇于
時詩無知者爾其爲我序之余諾而未作也今宿
草在原遺藁在笥汗青無日血胤莫存思之神悚
聊書數語以示我後人庶有繼余志而刻先生詩
者先生諱典諸生名芳原名行不敢廢父命也字
敕先蘇之常熟人覲菴其自號也丁卯仲春同里

後學張文鑛拜撰

觀菴詩鈔目錄

卷第一

讀書四首

賦得雪消華月滿仙臺

白體三首

次和香奩集無題韻

倒次前韻

傷客

上錢牧翁先生

聽雙青

次韻奉和牧翁絳雲樓上梁詩八首

次和楊廉夫續奩詩二首

西湖

宿北禪寺石林師寓齋

閱北禪律院紀次韻代贈端和上人

西湖戲咏

馮定遠索和二癡詩

新城郊次

乙酉中秋夜病宿舟中

避跡季父雲在軒有作見示次韻奉酬

哭錢頤仲

徐子野殉難詩

冬曉

次韻送和微淵公歸廣陵

春賦得寒山轉蒼翠

歲暮懷林若撫

白門重陽雨中示吳二饒

空齋聞雁雨中示吳二翁

冬夜小集同和皮陸寒夜聯句韻

卷第二 寒山轉苍翠

詩瓢

蘭臯曲

送計甫草北上

江樓

宿中峰送天成赴脩武百巖寺二首

秋夕感懷

題毛氏西爽齋

友人與歌者別後戲有是作

夢中得四句為足成篇

同葉林宗飲顯文齋

偶成

示褚梅君

編詩漫興

閒意

辛丑元夕牧翁八十敬呈四首

余遊武林梅仙有見懷之什次荅二首
閏秋望夕與昆朋飲酒書示顯文弟
吾意

松聲

和東澗先生紅豆十首

金孝章六十生輓詩

春正過毛黼季齋述事書情十六韻

贈江右施偉長一首

次和牧翁招集婁東諸詞人論文即事四首

卷第三

北固次黼季韻

題揚州酒壚

表母吳孺人

寄唐孔明

次遵王韻奉呈牧翁兼贈遵王

追和孫雪屋見詒二絕

南疇二首

題梅仙書畫舫小像二首

次和岷自早春閒咏

為香開上人題蓮社菴二首

三疊韻簡梅仙

春米行

後春米行

次張鶴客看菊韻

除日荅張大

次韻為鶴客題納涼圖

書感二首

賤齒五十退山有詩見詔因倚韻述志以示

退山

道逢兩少年

酬張以純惠衣

題畫二首

送馬退山移館柳墅兼寄顧公廣

春遊同鶴客原上次扇頭韻

訪顧商巖

次韻留別商巖兼示退山

丁未四月滄葦招集太翁渠齋齋頭觀女劇
漫賦十二絕

卷第四

江右蕭孟昉五十應偉長命

次韻送梅仙之新安

次和洪覺範竹尊者詩

次和鶴客雨中戲奕八首

送王石谷之金陵赴周司農櫟園之招四首

題遊仙詩卷二首

雜贈新安吳聖允三首

次韻立菴見訪

奉訓漱石許民部見詒二首

留題毛氏汲古閣

斧季招同夜泛昆湖

同民部宿斧季目耕樓

和民部歸舟阻風留宿致道觀

次和雪菴上人藕香居韻

次和鶴客遊鷓鴣峯

和吳令儀雨中蜀葵

再送原上二絕

次韻送劉跨千之白門

次邵湘南閒居韻

訓顧伊人見示四十述懷之作

歸玄恭六十

次韻訓馮補之見詒

秋日鶴客招同白也居停楓江客舍次韻

步寒山寺

十三夜張有年招遊虎丘

中秋鶴客同遊虎丘

次和邵湘南移居二首

次和許侍御青嶼過斧季齋韻

遊穹窿山道觀

咏積翠菴竹贈智遠源公

次和鶴客四十述懷五首

代題聽松堂

詒陳劔浦

題滄漁圖

次韻送吳令儀歸郡

代贈白也生日

酬張以純惠衣

題雪漁圖

卷第五

乙卯人日同斧季送東澗先生墓兼示遵王
余年五十確菴詒以和章今其周甲輒倚前
韻為贈

小山詩為陳滄漁雪漁

次荅何道林見懷

乙卯重九前五日集協能吳門寓齋限韻

張以純留宿楓江客館限韻

次韻追和以純中秋夜楓江對月

正月晦日錢黍谷招集丹井看梅次韻

南臯詩贈陳南浦

丙辰仲春過明發堂有懷東澗先生

次舊韻贈梅仙五十

次鶴客招遊劔門韻

丙辰春日陳在之以次和陸皮郊居詩見示
即次原韻

丁巳人日城南草堂雅集同用城字

遊大石山房次友人韻

舟中看雪用蔣文從韻

過城南草堂晚酌池上限韻

顧湘源淞遊歸示見懷詩次其韻

城南晚集次韻

次和鶴客新葺小齋二首

劔南攜酌城南草堂次滄漁韻

丁巳九月二日金閶舟次別林協能

贈陳均寧

贈張以純三十生日

和陶飲酒二十首

卷第六

戊午正月十七日集鶴客齋限韻

湘南劔邨過訪有作見示次韻酬之

贈榮西園北遊

中秋七日雨夜宿靜寄軒限韻

姚武功惠茗

次韻題渠上小築

同鶴客過滄漁樓頭有詩見詒次韻奉荅

次文從至日簡寄韻

春正二日集雲驤齋限韻

新正三日留滄漁小飲次來韻

與在之飲周以寧齋兼示趙德鄰

次荅在之重用前韻見詒

壬戌十月之望泛舟分韻得仰字

人日張庭仙招飲懷尊甫鶴客

次和陳在之癸亥落花詩八首

同在之以寧集德鄰齋

次以寧韻寄德鄰

平水心索題石谷畫冊十絕

白雲丙舍

錦峰開障

尚湖漁艇

碧溪春漲

橫塘夕照

鄰墅炊煙

竹樹清陰

邨月書聲

秋原牧笛

湖天雪霽

次張以純移居韻二首

次扇頭韻寄贈吳陵張石樓

書扇示二饒

湘南自海陵乍歸即別口占一律送之

贈雪呼上人

二月一日枕上一首

贈瞿劒邨移居一首

懷趙聖傳浙行次周以寧韻

張以純錄余覲菴詩書此為贈

觀菴詩鈔目錄

觀菴詩鈔卷第一

復存集

常熟陸典敕先

同里後學

張文鑛就菴纂輯

周楨無榦叅較

壯老不同境情斯在事會既往蹤跡猶存余少時
好弄筆墨薄有撰著未知持擇漫付梓黎數年之
間有青歸百艷曉劍玄要諸刻年每進則愧之三
十以後輒用為戒總上諸刻都置廢閣今老矣習
氣未除不忍盡棄聊存一二以識宿好青蓮云多

將舊本不同今復存於斯集古今文士往往臨文
撫塵徘徊護惜多可笑歎命曰復存所以志也且
不知余之愧且戒者又當何已也著雍涪灘之歲
陽生月朔記

讀書四首

強憶勝濫目。勤筆良有功。鈎玄復提要。匪徒恃明
聰。肆余鈍根者。掩卷旋懵懵。易忘試還讀。新理翻
不窮。

譽古不爲功。毀古乃真罪。詆訶聖與賢。哆口斯文
在。不知日月高。汗流焉能浼。何如不讀書。無過亦
無悔。

渾淪存古疑。穿鑿希今信。譬如攻堅者。凌施強迎
刃。其疑固自在。古義終未振。多聞貴闕疑。斯旨永
不磷。

攸之十年恨。士衡分陰惜。人苦不讀書。開卷便有
益。祖龍胡爲者。烈火燒墳籍。非秦能燒書。天假滅
其跡。秦火有時窮。一經藏故宅。上窺百家文。其言
猶布帛。如何握筆時。有言常格格。庶幾破萬卷。湊

泊如潮汐

賦得雪消華月滿仙臺

王禹玉上元應制詩句

霽雪行看盡。高臺月色鮮。
金波偏覺艷。玉粉不成妍。
光影寒逾昔。精神皎倍先。
九層臨碧漢。一柱接瑤天。
虛檻蟾輪近。雕窓兔窟連。
况逢佳麗夕。誰不樂華年。

白體三首

崇禎辛巳

世事多易理。河患難久平。
崑崙一源出。涓滴成淵泓。
澎湃有奇勢。澎湃無定聲。
汨汨倚天外。雷奔日

倒行胡乃等。溝澮澤竭不逡巡。
蒼茫變白壤。泥沙作飛塵。
燕冀既苦旱。民多不聊生。
委輸更艱阻。憂心常京京。
焉得挽江海。注茲如挈嬰。
傳聞聖明世。四海頌河清。

我生胡不辰。饑饉苦多難。
引領望逢年。憂蝗復憂旱。
漫密如飛雪。隨風聚還散。
農夫徧束手。婦子相愁歎。
不如生蟣蝨。噬血猶有筭。
旱魃更肆虐。驕陽恣灼爛。
炎風日夕吹。毒雲等焚炭。
暴疔并暴巫。何以承天贄。
民命倘可乞。或藉皇恩渙。
漢文有明詔。

賜民田租半

稅斂有常制。取舍嚴錙銖。稅外更加稅。今已倍其
初。兼之禾未齊。吏胥來追呼。豈惟禾未齊。明年稅
相須。初爲好言語。國家多瘡痍。後乃循故事。斂索
曾無虛。但惜國不足。寧計民無儲。匪伊慮國困。糾
罰及其軀。用是相迫逼。不得暫齟齬。安得金如土。
吾將供輓輸。

次和香奩集無題韻

柳弱偏饒態。蓮嬌更絕塵。通門來宋玉。流水引劉

晨。羅綺隨風動。胭脂照日新。樓中藏盼盼。函裏下
真真。頰怒難禁笑。幽歡淺帶顰。離多銜石闕。思密
轉車輪。深井憐張翊。枯池憶鼓鱗。無言花弄色。失
意草鋪春。病渴曾挑卓。情癡擬贅秦。夢懸湘浦月。
目斷武陵津。烏使書無候。鮫人淚自珍。額黃愁未
點。眉翠嬾重勻。解珮空遺跡。沾香且悞人。金堂誰
得近。好與問東鄰。

倒次前韻

曾傍叢臺住。今來漢苑鄰。高樓臨靚女。驕馬有遊

人瞥見瓌姿艷。旋看粉態勻。霞衣鳴雜珮。霧袖綴
殊珍。可有槎通漢。終無鵲渡津。雨飛不到楚雲散。
定歸秦。心醉寧關酒。情融易覺春。頽翎愁海鵠。比
目妒江鱗。趙后矜華扇。姮娥倚桂輪。解憐爭自歎。
閒憶動含嚔。戲伴猶嫌詬。憎人恐未真。遙聞香氣
暖。忽值月痕新。未擬巫山夕。常如洛浦晨。何時重
捲幕。識取繞街塵。

傷客

短鬢秋風裏。孤燈細雨中。不堪回首處。踪跡類飄

蓬

上錢牧翁先生

大雅憑誰作。斯文仰在茲。身名今董賈。地望舊龍
夔。策向金門獻。聲從玉闕馳。屬文摹鳳閣。珥筆拜
龍墀。宮錦攢花賜。金蓮帶月移。不言溫室樹。閒賞
上林枝。鶚立和同代。鶯遷禮樂司。世推公輔器。天
挺大賢姿。河爲千年改。天須八柱撐。興朝有麟鳳。
當道伏狐狸。象鼎嗟專政。貂璫弄怪時。羣邪騰虎
翼。並寵妒蛾眉。欲感風雷變。能任霜雪欺。網羅摧

李杜簿牒案忠義世事真翻覆人情太嶮巖每勞
傷蕙苾只合咏江蘿屈子忠遭謗鄒陽獄費詞黃
金雖可鑠白璧竟何疵明主恩光近孤臣志慮危
保躬期世泰養道待時熙遊蠟東山屐吟傾北海
卮良宵閒合樂白日靜園棊風月饒佳麗烟波復
渺瀰幾人成曠放夫子得恬怡往哲連襟帶高賢
接履綦芝蘭矜獨秀桃李荷無私綠野回嵐勢平
泉任土宜酉陽多秘笈丙夜尚燃藜揚刃摹天壯
批鯨出海竒通經過次仲明義薄袁滋異學皆崩

角真儒盡取規起衰扶八代裁僞倚多師魯筆誰
能贊齊竽竊濫吹輪轅需刻削砥礪藉磨治門峻
曾經掃牆高敢漫窺飲河徒笑鼠測海且嘲蠡守
拙堅如石梯榮鈍若椎無才焚筆硯有命狗著龜
亦效懸頭學難言折臂醫專愚迷馬足爾雅誤螻
螟自愧常流汗無功等畫脂鯤鵬上霄漢燕雀滯
藩籬豹蔚何能變龍驤未可追終須煩激發還擬
藉提攜光範書堪上仁恩句合披丹青儻相假敢
忘飾妍媸

聽雙青

吳絲蠻絃含白雪。聲聲彈破璇階。月影轉更闌。淒
復清嬌語悲吟。恨啼血。蚪水點滴。光影照芙蓉。宜
泣蘭宜笑。昆吾鑄刀。鑿玉壺。鮫宮鐵網。摧珊瑚。金
梭拋擲。冰綃機。珍珠跳蕩。仙掌低。四絃條條。激商
徵。香魂欲貼。秋欲死。隴頭流水。似人聲。幽脩又似
隴頭水。嬌娥不擘鈿箏。篴錦瑟。瑶琴共寫愁。欲斷
不斷。絃柱促。唾月推烟。壞陵曲。紅袖青衫。盡承淚
斜影。亭亭燒樺燭。

次韻奉和牧翁絳雲樓上梁詩八首

有美同登極。目初海山應。憶設青廬鳳臺。吹竹堪
攜偶。蟾窟扳枝好。問居天上。看傳紅玉案。人間會
降紫泥書。當年秦女樓頭住。夫壻從誇千騎餘。
山城排列對檐楹。百尺樓高羨落成。近向紫霄扶
鶴下。遠依碧宇聽雞鳴。月來欲動軒窓影。風度從
飄絃管聲。共跡同塵初有約。莫教輕賦重行行。
珍館閒臺稱玉題。誰家椒壁和香泥。鴛鴦闌檻山
河近。鸛雀汀洲雲樹齊。素手紅粧曾獨守。濁波清

路舊單棲。定情相媚。還相悅。樓上雙雙羨舞雞。
人間日日是佳期。迢遞堪憐。渡漢時。倚看井桃將
結子。欵歌山木自生枝。添香重撥金爐火。賭酒間
敲玉局碁。何似秦樓雙鳳去。常留鴛瓦碧叅差。
高棟層軒結構牢。天梯步步入重霄。賡詩促膝傳
斑管。譜曲憑肩按赤簫。滄海栽桑容易變。靈和有
柳却難凋。五城日月應多暇。世上千年只幾朝。
畫梁新鷺舞微微。花柳成行照綺扉。劍佩何慙持
作壻。絲桐長願託爲妃。曾經選勝分蘭席。可待迎

仙製羽衣。聞道絳雲停影處。傍樓飛閣號含暉。
銀床冰簟射方疏。訝是移家近帝居。臺舞青鸞諧
照鏡。窓開朱鳥靜繡書。五枝燈畔歌宛轉。三素雲
中唱步虛。曾向我聞室裏住。前身應共證如如。
歌酒尋娛佳興新。白公樓上不論春。五千歲裏要
通使。十二層中往候神。槎路偏容紫府客。蓬山合
貯絳霄人。自從玄暢留題後。八咏于今更出塵。

次和楊廉夫續奩詩二首

十五平陽教未成。欲方迴雪態猶生。燈前學得花

賣者言金卷第一
前試筵上看將屏上行習舞

隔宵殘篆冷香筒掃罷蛾眉不語中正把金針翻
畫譜東風吹亂繡床絨理繡

西湖

濃淡煙雲覆綠波春山面面鬱嵯峨六橋隄遠聽
鶯坐十里湖寬載酒過不管別離栽柳徧爲藏佳
麗結樓多白公不作蘇公去應有精靈索和歌

宿北禪寺石林師寓齋

兩度尋師至相兼十五年松門新月下茗椀一燈

前檢卷成深坐加衣得晏眠曉鐘聽百八余亦暫
安禪

閱北禪律院紀次韻代贈端和上人

自開律院儼脩熏文室人天自作羣七字半叅居
士偈一編先列戒壇文林間鹿靜眠花雨鉢底龍
馴起法雲會得導師談妙義圓通應不滯聲聞

西湖戲咏

可憐西子醉吳宮越艷今朝幾箇同狂殺當年蘇
刺史只將濃淡比湖容

馮定遠索和二癡詩

為問人間世由來得幾癡
憐君多忌諱今始不相
疑

新城郊次

地僻少人到悠然太古同
碓聲喧絕澗橋影亘長
虹烽火千山外桑麻四境中
子規啼不徹愁殺夕

陽紅

乙酉中秋夜病宿舟中

和病和衣卧月明孤舟籬
落正三更不逢喪亂何

人到夢裏多攙蘆荻聲

避跡季父雲在軒有作見示次韻奉酬

亂來已久厭風塵轉歎艱難
值此春滿眼干戈身
未定終朝兒女影相親
秋花開落間耽病好月盈
虧靜養貧墟里依依煙景
在一廬還願買為鄰

哭錢願仲

自我曾無哭友詩于君忍不重
欵歎秋燈風急雁
行斷曉鏡塵昏鸞影虛地下
可無新得句人間猶
有未讎書山原葬處霜初白
草宿休論友道疎

賈者言金卷第一
徐子野殉難詩

吾友徐子野弱冠工文章低頭事膏火騰聲餽膠
庠貧欲廢四壁屢屢躓名場菽水每不足將母感
不遑閨中有孀妹兄嫂相措撐孤甥就君養骨肉
有餘情干戈相逼日闔門徒徬徨君婦方歸寧君
常侍母傍母誓以死殉與兄其焉往殉母又難懟
死國胡不匡母子各矢志意氣殊激昂言念若教
餒敢輕斬蒸嘗庶幾不背義一死一以亡兄言余
不才啗雁宜受烹况也以任長死固余所當君言

弟謂何媳婦且歸寧何辭戀妻子不惜母與兄數
四爭侍母互以去相讓兄屬眷大義再拜辭高堂
執手爲泣訣相期死相逢顧乃舍己子攜甥共踉
蹌出門數回首難禁淚淋浪須臾兵塵合旌旗蔽
城隍去者不知遠居者當其衝悍卒四五人鳴刀
突君庭母妹從井穴赴義如沈湘執君以邀貨徒
手不得將抗言求速死頸血膏銛鏗嗚呼如君者
節槩何錚錚本爲儒家子單寒多俊良合門秉高
義堪爭日月光嗟哉貧與富實司死與生富者難

賣者言金卷第一
為死營窟遠禍殃貧者難為生不能出門牆壯健
或幸免竄鼠復奔狼老弱不能堪逝以死為鄉古
人有遺風生死慰相望死不負君親生能念宗祊
千古忠與孝所以維綱常

冬曉

破窓斜月落匡床襪被醒眠逼曉霜斷雁兼飛千
里急寒雞無准五更長襟懷側側同危葉骨格稜
稜比瘦篁聽徹麗譙頻下漏百端虛欲擾愁腸

次韻送和微淵公歸廣陵

知君承喝後三日不聞音世亂無妨道身空不廢
吟海潮通寂觀江月照禪心漫向塵中別何時一
重尋

賦得寒山轉蒼翠

朔風撲面來看山亦云好林空豁全勢草折露盤
道坡陁曳驚龍芟業阻飛鳥骨脊宛可摩埃塵儼
經掃紅紫絕點綴秀色積深窅土花更斑斑澗松
益矯矯黃石遇仙人翠微有靈媪映以蒼波長接
以白雲渺染衣巒影重敵酒嵐光悄鬱此冰雪姿

翻能殿枯槁桑田幾回換陵谷仍縈繚睹茲冬嶺
佳不知感懷抱

歲暮懷林若撫

歲月忽蹉跎心驚臘尾過亂離全似此貧老更如
何酒債尋應積詩逋放未多可堪百里內書問阻
干戈

白門重陽雨中示吳二饒

異鄉憔悴怕登臨寒雨酸風到客心菊信故園音
問絕與君莫放酒盃深

空齋聞雁

深堂闐寂驚時晏數聲叫裂秋雲片咿啞遙過細
雨滋斜飛嘹唳寒風顫褰幔空閨愁調管倡樓怨
月皎仙人掌燈慘長門殿霧暗沙明幾處投犯雪
蒙霜不知倦羅網高張禾黍稀且戒游波慎啄蔓
君不見澤中裂帛遙繫書仗節依依明主戀屬國
已去漢運遷世事幾看滄海變悽切猶含關塞情
窓靜燈昏淚如線

冬夜小集同和皮陸寒夜聯句韻

不遠客奄至冰輪况未缺流品謝卑喧形神更清
澈荒厨薦菜甲小鼎煨松櫛琴書欣暇豫文雅殷
劇切林靄翳如霧池光白于雪崢嶸歲道盡杳渺
孤鴻滅沈沈螳綠浮裊裊篆煙結愛我樹瑠枝懷
人愴金玦殘柳寫離披疎梅護攀折徙倚聽寒更
閒齋榻可設

觀菴詩鈔卷第一

觀菴詩鈔卷第二

以魚焦上

常熟陸典敕先

張文鑛就菴編輯

同里後學

周楨无榦叅較

書曰詩言志而記亦曰志之所至詩亦至焉久矣
夫不樂而笑不悲而泣者之無詩也居今之世詩
人之志亦大略可推矣乃興情銷落歲序遷流躬
撫其詩如出他人之手身親其世如歷隔生之代
亦姑置其志于勿論焉可也余髫齡即事吟咏三

十以後頑情成癖每遇名勝如鴻雪相遭瞥焉已
過故詩不多作作亦不多示人與至成篇投諸篋
衍僅不令衣魚餓死耳頃者齋居偶暇括己丑迄
今詩削而存之錄爲三卷其間興衰得失存亡哀
樂耳聆目睹觸于身而動于心者略存楮墨中而
迴思往事則已都如昨夢矣莊生有言吹劍首者
映而已天下事至即去數往必復念念不停刹那
變滅求其不爲映然者無有又奚必陳堯舜于戴
晉人之前而後知其虛誕哉獨怪夫股無跋脛無

毛斃躉爲仁蹠歧爲義人之所譽也猶未足當大
塊之一噫矧夫通達之有朶魏蝸角之有蠻觸遊
心無窮有辯無辯其又如此一映何雖然土囊發
聲調刁盈耳及乎衰止水靜雲平月明無跡此時
劍去鐔空即一映乎何有吾又多此莊生之饒舌
及余之所爲題目者誰爲劍誰爲吹而此映然者
又將使誰聽之哉嗟乎才慙李賀錦囊之佳句何
徵志比唐求詩瓢之舊業尚在梵志歸來新吾非
昔師丹多忘故紙依然然則余之春悅秋悲朝吟

夕歎以有是編也雖文章無與曾劍孔一映之不
如而塵影可尋則筦聲有嗚之已過矣放筆爲之
一笑戊申仲冬二日識於山涇老屋

詩瓢

才高難問世都倩一瓢收五字城如弃千金價莫
酬此身終蕩落吾道總沈浮可惜名山業而爲濁
水流風枝爭掛得醬瓿許侵不浩蕩江湖意還堪
伴白鷗

蘭皋曲

蘭葉長蘭心短日日廉纖春不暖山橋野店杏花
稀空波漾漾迴塘滿蘭心短蘭葉長靈均去後九
畹荒美人不采蘭自芳蜨翅闌珊燕翅薄祓除觴
咏今踈索擘擘猗猗紛可佩劇憐騷殺秋風敗時
違敢怨當門鉏勿使綠葉紫莖化蕭艾

送計甫草北上

人生落地成男兒天使一東復一西吾儕自惜交
有道杜陵野老豈吾欺長安少年遊俠子雲合雨
散分驅馳錢刀意氣競成伍淡者如水甘如醪與

君一笑結良契戴笠乘車心所期葭蒼白露渺何
許去去三載鱗鴻迷相思花發月明處此中寂莫
多深知我休蓬藁意不適君開駿足騰康達續鳧
斷鶴並銜戚文木樗材會有宜伊余頌君詫者少
感君稱我識者誰君行射策明光殿霏霏咳唾皆
珠璣古人贈言永弗替執手臨岐敢致辭結交莫
結黃金客有詩難必買明時飲酒莫飲狂泉水俚
體入國心事違賈生過秦勿痛哭痛哭徒勞損心
脾馬卿上書休諫獵諫獵秦楚方遊戲子公漫誇

饒氣力素衣京雒多塵緇入門可歎各自媚白日
浮雲且蔽虧努力加餐慎明德交遊粲粲生華滋
誰當喚起菰蘆夢得意遲君賦曰歸嗟余誕謾甘
自弃詩成出手還忸怩姓字倘逢知者問請持此
篇一示之

江樓

雲際長江江上樓乾坤日夕撼中流杯傾濁酒供
懷古筆蘸驚濤倩寫愁烽火南州聞轉戰繭絲東
國動伊嘍鳳皇黃鶴空回首崔杜吟詩滿地秋

宿中峰送天成赴脩武百巖寺二首

好峰當僻境送爾始來過遊嶽無煩遠逃秦未較
多山深稀鳥雀月白澹星河空色色空處秋聲定
若何

入山纔數里已覺離塵寰萬竹清禪夢孤峰老佛
顏江南猿鶴少河北水雲閑看爾芒屨健何年一
暫還

秋夕感懷

一番悲秋一淚盈梧桐清露颯然驚靜中吟咏嫌

蛩鬧貧裏情懷厭月明京洛簪纓稀問訊雲山瓶
鉢尚留行年年不解窮途恨顛顛惟應弔屈平

題毛氏西爽齋

拄笏堪延爽幽然靜者居原田當戶牖花木映襟
裾風物黃虞外絃歌鄒魯餘地偏心較遠更藉古
人書

友人與歌者別後戲有是作

纏頭簇錦笑相將解聽清歌繞畫梁繡被香濃分
越鄂高箱果滿傍河陽梅花小曲虛迴首楊柳新

詞黯斷腸細雨一簾燈半壁夢魂依約翠紅鄉
夢中得四句爲足成篇

蕭然人境外燕處亦幽嘉護草延新蜨烹泉瀉落
花醉吟春晚晚睡起日歌斜未比峰青句應嫌好
夢賒

同葉林宗飲顯文齋

尋僧問友共連床此夕逢君又舉觴晴竹月來輕
弄影臘梅風度暗聞香十年世事寒燈外百歲心
期短劍旁弟勸兄酬開笑口窮塵且莫話滄桑

偶成

霏微細雨朔風酸靜裏觀心已久安烏兔未饒詩
筆健乾坤爭讓酒杯寬荆和有玉憐三獻范叔無
衣笑一寒莫把大言嗔楚客胸中長劍倚雲端

示褚梅君

相知相別復相看年欲成翁鬢已潘幕府獻書愁
挾草朱門彈鋏笑停餐一寒夢落江湖濶九折魂
驚道路難不遣客星干帝座與君堅坐釣魚灘

編詩漫興

自編還自笑著紙即蕭騷欲咏風開卷停書露洗
毫三間看屋老百尺得樓高更謝求羊去長留滿
徑蒿

閒意

求閒閒轉去得得坐來忘天下若無拙塵中應更
忙閉門人境遠開卷道心長便有浮雲意高風敢
作狂

辛丑元夕遵王攜樂府往壽牧翁八十再集
紅豆庄敬呈四首

昨日玄亭一問奇今宵重赴隔年期暗塵明月論

佳句

先生解此二語卓有新義

法曲仙音記舊時奕到東山真

國手綸憑渭水是漁師雲房還結昇平願簫鼓喧
喧傍武夷

靈璈玉管喜相將花饌何煩辟穀方紅豆滿枝遲

度曲芙蓉出水稱為裳

紅豆庄里人舊稱芙蓉庄

清江火樹明

華席碧海冰輪照壽觴不數魯陽迴日馭相隨總
轡到扶桑

佳麗爭看歌舞筵扁舟重喜泛江天燈燒絳蠟偏

能艷月照流霞自解圓銅狄摩摩論百歲玉枝攀
賞驗千年西涼此夕輝輝路還憶樓中鳳駕旋
鼉鼓鯨尊不解愁燈清月白映中流陶潛柳接仙
家樹殷浩籤分海屋籌鶴髮當年繡嶺畔梨園何
處碧池頭裁書漫欲辭多富牧翁有
辭壽書函谷繇來紫
氣浮

余遊武林梅仙有見懷之什次荅二首

初去已看芳草綠將歸才及落花紅可憐春雨高
樓望一路烟波向越東

舊歷湖山勞想像重來烟月費躊躇偶然痛哭題
名處原是周餘一腐儒湖心亭題聯有月華入夢
烟草生愁之句署云蘇哈

喇番
某題

弟
閏秋望夕與昆朋飲酒酒忽成美書示顯文

辛丑閏中元露坐廣除裏風雲頭上生月色昏瀾
瀾開尊酌昆朋秋氣涼可喜婪尾行數巡余季拍
案起駕言此酒殊香凝色清泚坐客競舉觴爭稱
較前美此酒來何方分明得石髓吁嗟魯酒薄綬

瓷乍經啟同盞無異齊胡然辨彼此勸君引一盃
聽余陳斐疊予飲遜三蕉歲亦具秣米六物但麤
備糟床滴盈耳天時苦不若世故悵未已春聲雨
淙淙夏暍日煒煒三月急新賦農事未及理六月
課不足赤地衰千里舊稅更薪積竿數不可紀一
朝被譴訶冠裳生疥瘡典琴復典書取次及衣履
未了縣官逋已逼吏人賄惜此甕頭春大半入胥
吏聊爾命杯酌僅免告壘恥沈沈飲未央忽與瓊
酥比呼兒問主饋但指長瓶是醪醞閒且適咀嚼
甘而旨季也述往事約略正相似借問此何祥歡
伯諧浮蟻茫茫天與人滔滔竟何底杯中倘告兆
倏忽革傾否還恐滋謬誤仲長真尺企頗聞酒家
酒迎仙變紅醴與汝醉復醉勿勞議所以

吾意

鬢髮略已白所思在幽栖吾意本易給悠然無慰
期願言一畝宮軒檻臨清池閒花當曲徑時鳥延
高枝坐擁數千卷素心開一卮共覓桑麻話再賡
漁樵詩兒愚既不責婦愁亦不知緬懷實快意作

抵義皇時

松聲

狗足到閒門耳根豁然醒細寫非凡聲滿身落松
影風當秋始清貞姿况相領所以異萬響能使形
神靜枯桑徒哀號勁草自淒緊肅此生遠韻徐疾
中窾縈清琴奏琮琤微波動溟滓在高若在卑至
遠還至近千古無故常斯聲獨遼迴嗒然忘名言
塵慮一時盡

東澗先生邨庄紅豆樹二十年復花時當季

秋結子一顆適八十懸弧之月有詩紀事奉
和十首

秋風南國綻新枝正是長筵讌賞時珍果祇應仙
樹有人間何事唱相思

小劫花期二十年靈光終古自巍然可知桃實千
齡熟未抵相思一顆圓

吳地名園似洛陽疎林一點發朱光重疏草木南
方狀南極先看起角芒

桐君桂父莫相誇竒樹常思洞裏花大似麻姑曾

摸米還留一粒變丹砂

火中生樹本菩提布葉連枝會有期紅綻一枝遲
度曲人間盡道是摩尼

靈和柳色正相當疎葉高柯覆苑牆若入平泉花
木譜當時肯數紫丁香

紅泉雙屐悟前因應有靈鳥採食頻檢點啄餘鸚
鵡粒莫憑香稻誤詩人

曾記思惟樹不凋伽陀銀墀影岌堯依稀熾焰枝
頭見可待千年乳汁澆

日服丹砂面似童朱顏鶴髮是仙翁憑將江上芙
蓉色染取梢頭一點紅

山中無曆不知時頗訝花開結子遲更待一回紅
滿樹何人不省是期頤

金孝章六十生輓詩

死者不可生生者皆有死死死復生生歌哭何時
已天公巧搏弄人亦多弔詭臨觴一何悲鼓盆一
何喜生死更死生其誰覩無始嗟哉陶元亮高風
固足企門前五柳樹不蔭邱山址杯中忘憂物不

滴黃泉淡未忘三徑資豈免折胥恥聊欲委天運
終然掛五子緬彼近局人手把輓生紙吟罷還歎
息謂真賢達士謂真賢達士與君辨此旨既已一
死生輓歌何由起輓死人輓人輓生已輓已輓人
亦已歌輓已痛胡底知君證無生其輓良有以顧
瞻已靡騁怛化良足鄙千金萬年觴倏忽丘山裏
死輓生用祝不如一詞止感君矯世意獨立絕無
滓欲賡陶家辭投卷數倚徒斟酌輓祝間知祝而
已矣

春正過毛黼季齋陳確菴錢梅仙相繼而至
握手歡讌排日連宵述事書情得十六韻

人與春俱至相逢喜倍增間緣差匝寒氣尚凌
競排日張華席連宵試彩燈山爐煙裊裊火樹影
層層屏曲琉璃瑩杯深琥珀凝才高元八斗戶小
亦三升落月思顏色追懷
潛在臨風戀友朋捲簾當霰
集開閣會雲興江上新投札林間舊訪僧床支羽
陵簡筆掃剡溪藤湖闊魚離網村安鳥避矰人情
鴛嚇鳳吾道鷄嘲鵬意氣真堪許詎諧了不矜息

機農圃在高唱鬼神憑綿世詩書永占年禾黍登
斜川如在望實有興堪乘

贈江右施偉長一首

鬚眉歷落舌縱橫講武論文滿座驚提筆殺人猶
帶血杖藜哭世不聞聲踢翻北斗身須見吸盡西
江氣未平千古魯連歸海上何人一矢射聊城

次和牧翁三月十六日招集婁東諸詞人論

文即事四首

塵尾清言喜入微玄亭俗客駕來稀山光獨隱烏

皮几世事雙肩白板扉寥落關河間戰壘蒼茫天
地剩漁磯春風片席高人話千仞分明一振衣
風雅繁星起角芒趨隅聞上讀書堂烏衣半屬元
臣胄錦樹曾誇異姓王馬隊閒堪開講肆龍門高
欲歷詞場餘春一自經裁賦晞髮依然日載陽
留滯湖村翳葉如蹉跎戴笠訂乘車風流王謝衣
冠後題跋蘇黃筆牘餘是日牧翁題王象緯至今
文肅南宮墨卷尊帝闕支祁何處鎮坤輿乳旁若有光明穴好共
中宵照讀書

門館清閒彥會新情多正值哭殘春空山虎豹無
文質濁水蛟龍有屈伸玉版譚禪共調笑朱櫻薦
食動酸辛荒塗今古明明在策足何知要路津

觀菴詩鈔卷第二

觀菴詩鈔卷第三

吹劍集下

常熟陸典敕先

同里後學

張文鑰就菴編輯

周植无幹叅校

北固次黼季韻

吳楚平吞控百城京江培塿漫崢嶸梁家鳳輦千
麾杳孫氏鴻圖一羽輕策足不知凌浩氣側身何
處歎浮名吟情游計都無賴愁見煙雲滿地生

題揚州酒壚

名黃鶴樓

春風日日到壚頭佳麗居然占一州
凡有露桃皆解笑揔逢烟柳不知愁
吟招白鶴兼黃鶴醉上詩樓復酒樓
處處笳簫催蕩槳殘陽急拍起中流

袁母吳孺人八十

子重其時年六十

昔我曾裁霜哺詩砭砭魚目相參差
大秦藍田黯無色至今猶爲卷軸疵
裁詩駸尋二十載護背星霜亦逾改
徵詞壽母又八旬終媿秃筆無五彩
重向詞場託後塵諸篇一一生光津
君家節孝世莫比以久豈止三千春
不特母壽子亦壽子曰母德

余何有闔門大美歸一人天錫難老良非偶
人間不識桑海事蓬川清淺颺輪至
欲問麻姑覓後身焉知君母今非是
請君每歷二十年邀余點筆寫新篇
新篇新篇莫雜珠璣裏聊取長謠阿母前

寄唐孔明

憶上書堂正落紅長貧肯遣酒尊空
緣知舊雨爲今雨自識餘風是古風
陋巷偏疑春不到好山還許夢相通
白頭爲問唐衢意都在香山樂府中
遵王見示述德感懷呈牧翁先生之什不勝

賣者言金卷第三
斐然用韻書情奉呈牧翁兼贈遵王

髦士多承學，幹材亦受知。玄珠慙未得，鴻寶喜能

私。嘗手錄先匡翼尊經術，班揚析異疑。繁星寒八

極，清露浥三危。錦繡千金字，龜螭百尺碑。磨天揚

刃壯，截海掣鯨竒。御李寧徒尔，推袁斷在斯。辨香

真有託，大樹撼焉施。時有妄議夫子誠韓筆，生徒

媿董帷。戶中投本論，賦裡溯微詞。競識前賢在，難

容偽學欺。廿年空契濶，三載重攀追。薦士曾登剡

操觚，幾序詩。壽觴欣共汎，文讌快相隨。山閣烟光

合江村，日影移。新篇出袖數，絮語舉杯遲。擿抉蕪

詞在封題，短札垂編詩。憐警俗。謂刻石林哭子慰

臨尸。余連喪子先勸取風騷究，邀將佛乘窺。格言

傾恫款，真意挽澆漓。鑒貌當明鏡，論才近漏卮。敢

忘鑄肺腑，誓欲刻鬚眉。良冶工陶鑄，純金出鍊鎚。

華宗偏得念，吾党更推誰。佳句耽成癖，竒書嗜欲

痴。荀爐香不散，庾筆綺何辭。壯志歌牛角，閒情冠

鹿皮。看花兼旦暮，賞月匝盈虧。並執文場轡，同牽

藝苑旗。宗工尊一老，愚豎笑群兒。物態多讒嫉，余

心獨懊咿

時有問遵王于先生者

瑕瑜從指玉蒼素摠悲絲

蘭佩誠紉矣荃情實察之雨雲虛翻覆膠漆詎携
離意氣迴波靡文章翼道衰吟腸泉沁溢狂舌酒
禁持芳草凋零候美人遲暮時倚寒脩竹勁索笑
老梅歌雲藻君騰麗山薇我樂飢願言俱努力崇
德是良規

余刻虞山詩約已二十餘年矣辱孫雪屋見

詒二絕頃始見之集中追次元韻誌感

賦筆金聲篋底存年經開寶魯靈尊當時卷內聯

吟客半向荒江半九原

敢說詞壇建一軍
雒中酬和舊推君
如今桑海驚心句
都付奔流與斷雲

南疇二首

不到南疇廿五年
重移舴艋汎湖天
老漁補網清溪曲
小婦收禾落照前
賣穀料量償積賦
買牛商畧墾蕪田
艱難強半綠恒產
笑把恒心問昔賢
晚花黃葉逼重陽
農事才看足稻梁
城市呼丁多閉戶
村家刈黍半登場
饑來乞食言詞拙
亂後催

租隸役強悞我洛陽田二頃不成名業不成狂

題梅仙書畫舫小像二首

蘆荻叢中數點紅秋江寂寂老芙蓉何緣著我船
牕下共倚清溪數晚峯

水濶舟輕信所之彈琴把卷儘相宜看他岸幘常
危坐一片雲山萬古思

次和岷自早春閑詠

四十過頭又八年微生差以不材全烹魚短素晴
窓檢上甕新醪緩火煎看殺小梅渾似玉數殘青

蘇不成錢傳聞星日頻多變額塌沙中懶問天

爲香開上人題蓮社菴二首

高林匝匝水蘆環中有閒人靜掩關幽岫崇岩看

未足虞山不道是廬山

慧遠廬山詩崇岩吐
清氣幽岫栖神迹

脩靜當年芝草圖不知慧遠見來無依稀溪上曾
同笑認取新吾即故吾

三疊韻簡梅仙

一年又博炎涼換半載都從風雨過老去酒盃難
放浪愁來書卷強摩挲看囊不惜一錢少負郭翻

嫌二頃多爲報凜秋貪景物催租無奈廢吟哦

春米行

舊時米如珠今時米如土如珠饑腹困鳩鵠如土
輸官倒倉庾舊亦嫌太貴今亦嫌太賤况復征徭
今昔殊地力農功終不變今年白浪胡滔天冬寒
黍禾猶在田操鎌揭厲骨欲折二月敲剥追金錢
八月旋愁催輓漕去田稅田租室相弔百徭計畝
兼力征盈廩爭擔新穀糶年荒米賤若大有萬事
反覆真難剖儋石慳償一畝供誰省科田已幾畝

明年歲課又相須舊裕儲新生理踈愚民不識廟
堂計但道何用煩軍需似聞和邊自有道長籌短
策非草草不惜窮簷骨髓枯勤將手足扶頭腦可
憐長吏亦有軀膾炙誰當弃腹腴顧義豈免失厚
利以仁望人何太迂我行給公百難辦供賦供徭
苦羈絆敢期精鑿滑流匙聊春升斗資宵旦人言
米賤飢無虞我謂米賤當如珠米賤厨空終不飽
焉得賤錢輕土苴新來法令森毛舉那容人不傾
筐筥急擣緩春紛應節聲聲解聽撞胸杵

後春米行

古來賃春任高節青松秀出靡草列杵臼論交復
有情親操豈必非人傑余也筋衰倦力作井田雖
存愧耕鑿草萊蕪沒村南疇烟霞冷落城西郭家
住山涇涇上頭北峯當戶翠色稠居人舊識陸家
屋三間已老園池幽中有書堂號願志少襲先芬
愛文字春來秋去燕鶯忙夏淺冬深松竹遼荆株
自昔愁區分白首兄弟各賤貧生兒生死等殊態
有居割半窮畀人早年姓氏窮文章誰道逋糧達

帝閭驪山秦山昔破碎清流濁流誰短長年年金
飾雞竿首註誤鎔銖有餘咎吏胥呵叱癢衣冠差
科依舊編田畝稅敝徭罷不足言人情雨覆又雲
翻田夫欺我肥磽間信行幸秀多詐謾老妻愁坐
少生計門東索食啼聲沸慊慊倩春石下梁開口
仰給那能濟碓聲呶啞斷兼續慎教輕杵莫傷粟
聊充糲腐儒餒迄命逃虛把書讀

次張鶴客看菊韻

鷗鷺尋盟意自真笑言雖阻劇情親苦吟渾忘清

尊滿古處相期白首新江上楓猶殷似火燈前菊
更澹於人報君有客湖頭卧萬里征鴻喚向晨

時余

湖在隱

除日答張大

飢禽陣陣下庭隅歲盡何人慰索居唯有城南張
鶴客餉余美酒借余書

次韻爲鶴客題納涼圖

高臺面面俯長林滿水荷香滿地陰最是把書閑
坐處千峯落日一蟬吟

書感二首

中年哀樂苦難平白髮今從鏡裏生自喪子來添
嬾癖更亡書後減吟情誰言龍性非馴性便聽鷄
聲是惡聲日日怪來書咄咄空中點畫恐成形
衣化爲塵髮素絲逐貧祛病兩無期老妻九月供
爐火稚子三年廢塾師四海只今停戰伐普天依
舊有瘡痍每思身世無窮事不覺秋風泪滿頤

余有壽馬退山詩兩篇蓋爲其六十七十作
也丁未歲賤齒五十退山次韻見詒一時同

賣者言生老第三
人多有和作因倚韻述志以示退山及諸遊
好

老我不求知世亦無人識茫茫天壤間昏昏同聚
墨荒哉經世心踈矣謀身術有途只扳阮無酒不
學畢流覽風吹萬靜知吾道一旦置魯兩生希踪
竹林七聞之千世界安住殊平側誰謂河沙數同
運無通塞時好六鈞弓我握三寸筆焉能免回互
差喜耽放逸蓬蒿但滿徑書史聊克室笑彼屠門
嚼守茲寒女織俯思老稚安仰冀親朋密長貧殊

未諧愁心更悲策輪人斲久廢由基射久息繩床
竟日坐竹戶經時出白日依墻東青山起舍北世
事等鳥空人情付鼠即知己或諒余任真無所飾
不敢飲狂泉豈敢入保國芳蘭湛鹿醢嘉禾戒蠹
螭如何二頃田三旬常九食長風乘未能五岳遊
難得涉物苟不當憚此拳安肋慨焉念古人詩譎
金玉式百年忽已過一萬八千日逝將保餘齒香
龕共彌勒金剛猛利心破斥空有失手打大圓相
印透重羅匹證取義畫理無極與太極

道逢兩少年

道逢兩少年翩翩氣如虹以我爲父友肅然揖道
中稱我叔則敬稱我伯則恭五十老且賤志衰德
不崇爲謝故人子何多古人風雖多古人風禮貴
求其中叔我長若父伯我少若翁賤齒既昧昧親
年亦蒙蒙君其且歸去執禮莫匆匆

酬張以純惠衣

秦人衣著又何求推解多君爲我謀恰喜暮春初
衣袷不勞五月更披裘非才漫有綈袍贈末契慚

無縞帶投時世末期裁短後風生兩腋自颼颼

題畫二首

芒屨箬笠少塵容獨賞空山萬樹松猶喜常違車
馬道不將枝葉污秦封

蘆荻叢中一葉舟數聲漁笛碧天秋若邀我向滄
江去更把殘書著兩頭

送馬退山移館柳墅兼寄顧公廣

絳帷高捲舊風流一水迢迢兩白頭老去友朋難
作別窮來天地易生愁經年聚散成塵影瞥眼存

亡抵夢遊

悼其東君

却喜新知能好客
還容乘興買扁舟

舟

春遊同鶴客原上次扇頭韻

年年春色到江南
又見春流下碧潭
排岸柳絲牽弱翠
出墻花態殢餘酣
無邊白水思移櫂
是處青山擬結菴
老大未能忘秉燭
雙柑携酒興還堪

訪顧商巖

辟疆美度古無儔
三載神交抵昔遊
流水引漁花落處
小山招隱桂香秋
君憑雅興拈紅友
我對新

知愧白頭聞道呼童先掃徑
造門敢擬說羊求

次韻留別商岩兼示退山

古木脩篁俯碧流
愛看落日小橋頭
何年卜築吟相傍
有客停詩病獨愁

時退山病瘧

塵世所須唯快飲

浮生難得是閒遊
折花携酒緣溪去
一路遙山緩放舟

丁未閏四月一日滄葦招集太翁架齋齋頭

觀女劇漫賦十二絕

清和又值好風光
翠袖珠衫滿畫堂
夢裡行雲才

一片如何輕逐楚襄王

世上溫柔自有鄉老憑燕玉舞霓裳雙成雲管凌

華石齊侍班龍接九光

時槩翁八十

玉笛聲遲檀板閒十眉不數畫圖間可知此地雲

嵐少多掃雙蛾當遠山

舞到迴腰唱轉喉醒人醉眼動人愁尋常不及窺

簾燕隔斷蓬山幾十洲

羅列分明按樂圖便將袍笏換裙襦忠驅義感當

年事莫笑佳人不丈夫

演宗汝霖楊椒山諸劇

詞人不識網西施因美招沈自古悲筵上七盤方

看舞吳宮草歇已多時

唱聲爭及唱情長玉潔珠圓繞杏梁傳得紫雲天

上曲不將顧誤惱周郎

黃金只合買蛾眉不是香兒即雪兒爲問白家行

樂處幾多紅袖放楊枝

風流親著紫羅襦兩曲蓮歌絕世無更把閒情翻

舊譜臨川那賞雪蕉圖

槩翁改定牡丹亭諸劇雪蕉圖見湯若士尺牘

金屋無人見美曠休將多病怨芳辰主情大要陳

三部憐煞春風掌上人時有病姬不能登場

勝餞驪駒醮未終明朝踪跡又飄蓬紀群交誼吾

何敢憑展堯厨萋莆風

操絲比竹後堂時也許彭宣入座窺一局恨無三

百萬纏頭只有數行詩

觀菴詩鈔卷第三

觀菴詩鈔卷第四漸于集一

常熟陸典敕先

張文鑰就菴編輯

同里後學周楨元幹叅較

易漸之九三上九曰鴻漸于陸而有宋諸儒則曰上九鴻漸于逵謂雲路也按疏鴻漸于陸者上九與三皆處卦上故並稱陸上九最居上極是進處高潔故曰鴻漸于陸也然則訓逵者其信然耶陸羽筮姓得漸氏陸名羽鴻漸其字殆亦當時說易

之一證也率胡程之論必如鳳之九苞五彩而後
可以羽儀一世鴻之爲禽折末矣何苞彩之足尚
而必雲路哉夫物有貴賤大小之差聲容文物亦
各隨其所用鳳之嬉弱水宿丹宮固翱翔乎閭風
之山而止東園巢阿閣未嘗不覽德輝而下之也
鴻之度雁門出高柳固飲豕于大池之水而大夫
執贄貴有行列昏禮納采取厥和鳴未嘗不延旭
日于始旦也然則光羅拂翼何必非鴻何必非陸
又何必無羽儀之可用而必雲路哉顧今天下張

羅持翳摧首鍛翮虛弦曲木冥飛色舉于磐陵木
之間有戒心焉而其象曰順相保也不可亂也願
守此而勿失余錄己酉以來詩命曰漸于其戒心
猶是也有客謂余少陵之言曰老去漸于詩律細
侈矣哉子之善自譽也嗟乎客其猶蓬之心也夫
少陵詩律千古頓門乃其自考猶若因乎爲時之
早晚者自鄣以下何問焉漸之進也往有功也視
後而鞭竊以自勗且與天下之學詩者共勗之爾
戊午仲春九日記

江右蕭孟昉五十應施偉長命

十年快讀慧命篇東澗老筆真如椽

孟昉四十東澗先生有慧

命秦淮花燭闌佳句天孫錦燦琬琰鐫

諸名士有孟昉秦淮

花燭

自此神交得孟老心期切切相傾倒可惜思

君君不知三二道遠傷懷抱故人破臘傳書至一

枝春動梅花使報君初及知命年寄我名箋索題

字東澗憑今不可作釋部儒門俱寂莫葭葦卷軸

不足言萬牛那媿一麀角江南歲暮温如春余久

拚將筆硯焚新年入手屠蘇在人日題詩喜及辰

昔有成言續佛命龍宮永固金輪正五十依然四

十時首稜舊證觀河性春浮園中草木香逆風端

不限河梁莫愁縮地無靈術日想長筵樂未央

次韻送梅仙之新安

春風落日野雲黃橐筆囊書千里裝欲別百端緣

我劇相思一夕為君長酒逢新友傾心醉詩寫蒼

山拂面涼雙鶻不期行列斷摧頽還惜羽毛傷

次和洪覺範竹尊者詩

為牧雲和尚

青青不與眾芳枯修影窓前別樣癯解向竿頭呈

妙用曾將篋子覺凡夫西天位裏堪分座禪月
端許結徒自在清風憑夏擊兒孫聞響薦來無

次和鶴客雨中戲奕八首

細雨斜風暗捲帷幽人坐隱亦相宜誰從擾擾塵
中客說與仙家一局棋

人境常扃白版扉盤中燕影舞微微分明烏陣憑
空布一掌風雲正合圍

絲絲微覺潤莓苔今雨還隨舊雨來愧我曾非蕭
處士也歌烏帽一徘徊

許渾送蕭處士
言醉斜烏帽
髮如絲曾看
仙人一局

棋

壁壘參差審勢新滿盤鏖戰動波旬誰知橘裏商
山叟揔是無心與道親

酒俠詩豪未白頭二分春色一分愁滿盤看盡浮
生理苦笑人間局外謀

奪角侵邊意若何閒情偏傍落花多丁丁疎響濛
濛雨消得茶香醒睡魔

春暉雨隙弄微黃是處風吹草木香少待青山理
遊屐何妨負局任清狂

賣者詩金卷第四
點筆吟成字字安卷中白雪鬪春寒不知樵客歸
來後旁有何人著眼看

送王石谷之金陵赴周司農櫟園之招四首
碧月瓊枝未易才至今三閣憶崔嵬憑君剪幅鴛
溪絹偷寫鍾山紫氣回

江流無恙布帆風牛渚應參主客中四座一時齊
卷舌有人拄頰望雞籠

玉樹金釵曲未終六朝荒草影重重清遊若向新
亭過爲我停車問阿龍

畫手紛紛獨出羣貴遊歷歷盡推君如何十丈生
絹上不寫青雲寫白雲

題遊仙詩卷二首

神仙有路白雲封欲訪仙踪隔萬重千古燕昭并
漢武平判惟有郭弘農

凡夫誰識有真詮坎壈傷懷得幾篇不是夢中傳
彩筆江郎容易擬遊仙

雜贈新安吳聖允三首

不是吳州即越州山青水白任夷猶千年世幻丁

仙鶴半夜歌長甯戚牛轉轂黠奴輸力作運車公
子索閒遊從來大隱多朝市竒勝何妨展一籌
洛陽城郭撫銅駝四十年來小劫過客夢頻牽吳
苑遍酒情偏傍越山多閒人不解常舒嘯知己相
逢一放歌市隱自來多傑士販繒屠狗事如何
不慕離塵不染塵才長差喜得閒身計然五策堪
籌國少伯千金只散人衿珮清光仍歷落肝腸熱
血自嶙峋看君黑髮三千丈也是周餘古逸民
次韻立菴見訪

秋氣正蕭瑟多君慰索居談空方器在生白小齋
虛石老栖禪後石林源公文師學偈初文石宗密東林三十
載未遣往來疎

奉酬漱石許民部見詒二首

篋裏常攜未見書江山詞賦勝閒居風生謝傅新
葵扇興逐陶公舊筍輿上坂謬曾憐病馬過河唯
有泣枯魚阿蒙自省猶前日搔首憑高一愴予
握手都看白髮生相逢心許背時名魯戈落日揮
難返蜀棧懸崖刻不平詩入老來偏見骨交經別

久動闕情卅年博得今宵醉明日登山且趁晴

留題毛氏汲古閣

素業先芬在全勝金滿籬春疇三耜動夜火一燈

明禁酒那成國

斧季不飲

巢書即面城每來探枕秘老

眼颯然驚

斧季招同夜泛昆湖

更長且秉燭舉棹入平湖月白浮杯滿天空去雁
孤笛聲連暝樹山影接寒蘆隔浦聞人語漁郎近
可呼

同民部宿斧季目耕樓

自得元龍卧看成百尺樓湖光先見月天爽鎮疑
秋古道乖時輩清言壓衆流夜霜紅滿樹有約更
探幽

和民部歸舟阻風留宿致道觀

黃葉青山滿望中多情惟有石尤風留行花院疎
綦靜惜別隣牆濁酒通一夕鄉心迷去住廿年萍
跡省西東嗟余鬱鬱常居此幾向高天泣道窮

次和雪菴上人藕香居韻

賣者言金卷第四
一把香茆蓋頂餘何妨吾亦愛吾廬比隣高樹和
煙賞小徑閒花帶月鋤定久埵鈴鳴續續吟遲蓮
漏下徐徐人間方外都拴腹有約空山共卜居

次和鶴客遊鵝鵠峰

山到將窮處高崖復陡開沁泉幽磴滑背石凍雲
頽菴僻僧難住峯竒客每來自慙無濟勝空有夢

徘徊

和吳令儀雨中蜀葵

疎葉高花滿砌陰何年離蜀到如今淹淹宿雨沈

沈霧辜負平生向日心

再送原上二絕

菽水難寬行李愁今朝得得上輕舟蒼山滿眼歸
人路清夢隨君過越州

幾載過從索嘯譌白頭傾蓋不爭多西風落葉人
千里月白詩清柰爾何

次韻送劉跨千之白門

登臨送遠意偏長白日懸知驥足忙畫角商風經
鐵甕斷崖殘照過雲陽眼前盡是悲秋客筵上那

賣者言金卷第四
堪惜別觴此去南樓多讌賞有人談笑共胡床

次邵湘南閒居韻

湖外清湖山外山邵平瓜地水雲間黃庭一卷棊
三百不是閒人莫叩關

訓顧伊人見示四十述懷之作

珠標玉格出尋常題品何人繼子將挾瑟朱門爭

倒屣傳經絳帳早升堂

伊人舊遊東澗
梅村確菴之門

池塘好夢

多春草江國哀思滿夕陽攜去新詩誇酒社三千
黑髮歲初長

歸玄恭六十

儒風道行淨名僧變現多竒神鬼驚姓字平參耆
舊傳品流高歷汝南評酒龍跋浪滄溟立文鬼依
山紫氣橫三尺紋楸千尺素長圍獨掃借談兵

次韻訓馮補之見詒

老馬豈真能識道知音誰審蜀桐材陳王文不愁
彈射杜甫詩須苦別裁帶索久諳貧足樂擁鎌今
信晚堪哀多慙玄草非吾事戶屢恒因問字來

秋日鶴客招同白也居停楓江客舍次韻

携我秋江上涼颺動八垠吾徒聊隱市世路豈知
津棊局經宵覆琴床候月陳自嫌常止酒中聖未
能頻

步寒山寺

平生懷古意野寺一攜筇秋斷風前梵塵消夜半
鐘精靈憑獨樹雷雨動雙龍殿柱雙龍屈蟠聞有靈異像設何

人會嬉怡只笑容

寺有寒山拾得像

十三夜張有年招遊虎丘

入秋山勢倍嵯峨夜色微茫上薜蘿翠幙直教圍

樹石畫船唯有載笙歌九枝燈影梯巖徧一片蟾
光覆水多最是武夷仙耐綠時有年七十揮杯不惜醉

顏酡

中秋夜鶴客同遊虎丘

碧天無際接仙舟綵屋紅燈照古丘試問何人不
盡醉始知今夕果無愁賞心風景因君得入眼繁
華爲我留美酒十千歌百萬三分明月屬蘇州

次和邵湘南移居二首

不是詩緣即酒緣孤雲去住儘飄然劬勞念母經

三徙患難離巢近廿年卜築閒當尋菊後裝書忙

越落楓前新吟送燕誰相賀君有送燕詩寒雀城均陣

陣連

豈俟經營斷手年入圖家具及時遷草香詞客誅

茹宅其落南山種豆田雙塔鴉翻鈴鐸雨小洲魚

動荻蘆烟此心如水看城市所居近市絕倒醞雞甕裏

天

次和許侍御青嶼過斧季齋韻

十里橫塘一水通采薪愁阻笑言同品流已識風

情簡評論都推月旦公蠹簡尚堪搜綠字濁醪那

必辨青銅歸舟為問江楓落何似山陰雪打篷

遊穹窿山道觀

從山陰披草而上其陽平行少樹石遙望諸山皆在足下

披榛入無路忽已逼層穹地濶遲飛鳥雲荒秀獨

松玄都龍虎氣紺殿劍旗風要識身居迴諸峰俯

視中

咏積翠菴竹贈智遠源公

山深不知處忽得竹千竿絕喜當門種常便過客

看龍孫新長得玉版乍叅殘香實畱招鳳青雲想

集鸞齋鐘侵夏擊佛火逗檀爍老念支筇杖清思
製籜冠即欽君子操更結主人歡箇箇皆尊者洪

範有竹尊者詩應沾法雨寬

次和鶴客四十述懷五首

一鶴橫空下九天因過訪鶴識君賢平原十日酣
觴處常夏清聲警晝眠

幾年趙李斷經過湖海仍嫌豪氣多衰晚閉門還

擇友有人中夜泣蒿莪原詩有莫報劬勞之句

秋江邀我共題詩排日清波照酒卮最憶虎丘明

月夜玉簫金管放舟遲

輸人只似一枰棋白首心期得汝知自此十年平

劍氣匣中無復辨雄雌

詩酒雲間媿不才友人贈鶴客詩有十年詩酒共雲間之句五交未許

俗情猜年年一度書弧矢早覺春風筆底來其誕在歲

抄

代題聽松堂

潛虬拔地起千尋鼓鬣揚鬚斷續吟白月翻濤侵
石鼎輕颺寫影拂弦琴六時籟動先通耳一點鹿

飛不到心知有幽人聽未足還嫌山水少清音

詒陳劍浦一首

門前流水碧灣環中有閒人晝掩關杜甫郊堂原
背郭陶潛菊徑只看山心求茗理能通妙名隸詩
仙不入頑笑指霜楓千萬樹爲君一夜發朱顏

題滄漁圖

七里灘頭意都將畫裏傳邊頭誰使馬江上獨橫
船赤鯉三辰護靈鰲一釣連綸竿猶漢節淚盡海
東偏

次韻送吳令儀歸郡

頻年相向酒盃深忽漫囊書返故林貧裏贈詩兼
縮手老來別友倍關心寒禁窓畔孤梅信風促樓
頭斷雁音百里蒼蒹渺何許好憑書尺款遼襟

代贈白也生日

東風有信轉乾坤拂拂鬚眉白雪繁壁裏遺經秦
處士枕中鴻寶漢王孫留詩是處多神護嗜酒多
年斷婦言攜得真香滿衣袖仙班昨日下午元

詠張以純惠衣

綿定竒溫綻綺紈襲衣珍重比琅玕雪中不作素
安卧天下還憐范叔寒二文窮視成絕倒百夫紅
毯付長歎憑將縞紵追僑札古道于今亦大難

題雪漁圖

一夜千山盡白頭冰壺清影落扁舟知君釣術師
龍伯不掣靈鰲不肯休

覲菴詩鈔卷第四

覲菴詩鈔卷第五

漸于集二

常熟陸典敕先

張文鑣就菴編輯

同里後學

周楨无幹叅較

乙卯人日風雪同黼季山中早行送東澗先

生葵兼示遵王

腸斷梅花發故叢空山赴哭及曠曠百年身世悲
風裏千古文章白雪中留謁不辭來孺子起墳多
媿葵揚雄何人為琢寒山石有道碑裁第二通時未

有誌
文

余年五十確菴貽以和章今其周甲輒倚前
韻爲贈

大好千器界措柱何人識方州幾點青天地一丸
墨今古多彌縫相尊得儒術卷掬舒宙合萬理寸
心畢保此嬰兒行含貞還抱一不分休宜三逝求
作者七焚香但默坐留草任披側藹藹瑞色生填
填浩氣塞鬼粟迸殘紙河岳搖老筆心常薄儲隱
名不掛舉逸多謝清風生時時入虛室嗟彼善嫁

女巧乎當窓織自矜刀尺工復倚鍼線密不見明
君去漢月悽悲篋不見文姬還邊風棄孱息巾幘
夫何如丈夫敢輕出鷺飛辨蒼素鶻啼感南北條
戒觸手焚桑海一朝即飛鳥將安止犧雞憚爲飾
戢影避黎丘攝衣去保國且覓桑麻話豚蹄襪螟
螣垂簾開講肆謀道不爲食顏閔各深詣房杜非
詭得鑄士勝重遠高蹄間踈肋張船傳教呼鄭鄉
過車式斯文砥狂瀾絕學炳皎日夙昔明分義贈
處中心勒依依珠玉光形穢殊自失東行星文動

時確菴僑
寓膠水 輾轉慕儔匹鳥目有丹書盍來步山極

小山詩為陳滄漁雪漁

綽有為山意嶺岼疊石重閉門遊五岳縮地望三
峰泉借茶爐沸烟分桂鼎濃相將擬小雅詞賦削
芙蓉

楚詞淮南小山
猶詩有小雅

次荅何道林見懷

水部詩篇在已看工力深何當吟十載示我到如
今鬚髮冰霜入乾坤烽火侵多君四十字字字故
人心

乙卯重九前五日集協能吳門寓齋限韻

誰是詩中第一豪喜無風雨近登高此時景物干
吟筆何處烽烟解戰袍放膽濁醪寬似海明眸秋
水碧于膏竒懷共許良辰入排日登臨不憚勞

張以純留宿楓江客館限韻

三年違此地重到夕陽前把酒先酬月將詩欲問
天不知今昔異唯覺弟兄賢明發輕舟去燈殘意
惘然

次韻追和以純中秋夜楓江對月

每逢秋始半最喜一輪明江濶痕微斷雲消跡不
行人原千里共天豈四時平寄語悲秋者休聽樹
裏聲

正月晦日錢黍谷大理招集丹井山房看梅
分得蕭韻

自鋤明月長根苗花院深深破寂寥百歲閒情供
點筆四圍清影入吹簫早時有客吟官閣今夕何
人夢鐵橋紅鴿尚餘光潏灩更添玉雪暖微霄

南臯詩贈陳南浦

門臨流水俯江郊日對雲烟援弱毫自喜青山爲
伴侶不將白眼向兒曹徑中芳草能來仲籬下寒
花索和陶輕醉成鄉應有記南臯却指是東臯

丙辰仲春十四日過明發堂有懷東澗先生
墓門風雨哀臨穴不到山中隔歲強清澗聲長聞
笑語老梅花發見文章柴桑地僻還飛鳥綠野堂
空下夕陽白首來遊寒食近一杯何處覓椒漿

次舊韻贈梅先五十

結交不相知不如不相識爾我各深許寫心非楮

賣者言金卷第五
墨何以儀古人同方復同術頗笑今舊間只隔月
離畢昔人題門處情態固匪一永言我與汝我長
汝齒七感時心久摧懷古身常側太行當面起迷
陽舉足塞不識耕夫字漫捉東吳筆屹屹志炳燭
未覺老當逸春草合窮巷秋塵生陋室君子貴秉
道越幅不敢織廿載得吾子義分明霜密各姓叶
塤箎齊情感笳篥子訶我乃和我歎子亦息指影
並啼笑倚樓共處出朱鳥喙依南代馬風嘶北越
唵楚有奏身意詎雙即緇素未許化青黃敢求飾

詩開五字城夢入華胥國心根發華采安從引蠅
騰原貧本非病季諾何曾食灑翰意昌昌飛文才
得得一滴沾鳳髓九鼎絀羊肋遠遊豈不好人皆

有矜式

時梅先授
教毘陵

行行渺何許不計月與日梁孟

適異州高舉謝銜勒懷哉胡不歸語君君勿失黃
鵠東南飛羈雌慕儔匹顧影傷摧墮延頸意何極
昔今崔客招遊劍門歷鶴峯抵拂水山莊小飲次
興平來韻
物性苦久雨尤喜春霖晴一掃烟霧界旋看花湫

城勝事隨境得遊興逐人生清波鼓櫂穩翠岫肩
輿平天支劍門險雲扶鶴峯傾流泉鏗古意竒石
柱今情不知眼前事何有身後名再過平泉莊殘
梅笑相迎且拚盡一醉與我共題評佳招儻未已
明日春光明

丙辰春日陳在之客授隱湖次和皮陸郊居
詩十首邀余同作率爾繼聲事不一指辭無
倫次聊以奉酬來美爾

閒庭唯鳥雀消得閉門居故舊三更笛風塵一紙

書已應思到雁未免歎爲魚時方苦雨閱盡人間事都

成鼠穴車

春來連月雨風捲幾重茅有土堪爲室無書可結
巢烽烟仍箠策文物獨絃匏朋舊多疎索虛論杵
臼交

憑雨看今昔愁寧嬾下床長貧由骨相不動是心
王天意初無準人生何太忙只餘詩思在弩末要
爭強

老我無能者何心問世知醒嫌蓮社酒貧却草堂

資文士從儅父將軍孰可兒眼空千載外瀟灑一
題詩

自能耽寂寞莫漫款雙扉倩月評新句留雲補破
衣挿隨無酒去缺傍有魚歸世界鄰虛裏微塵尚
未微

物態黎丘幻義占鬼一車英雄草上露富貴樹頭
花山僻青猿隊江清白鳥家胸中儘無得不著事
如麻

兀兀成枯坐開編白日殘穿楊便教射出鮒爽詩

竿宋玉不用矜蘭珮差宜製籜冠傳言詩酒會年

釣賦少盡登壇

楚客何多事敷詞強問天養文禁隱彩噤口妥寒
蟬虛室生唯白中區覽獨立多生餘習氣拜石枕
流泉

長者終誰輩軒車距席門桐抽棲鳳榦松蟄化龍
根禮樂殘書卷農桑老瓦盆蓬頭兼歷齒何事愧
兒孫

不材全社櫟所貴獨無能才大招時忌資高得盜

青齋詩金卷第五
憎丹從九轉煉心用八還徵世上圖功者醫良已
折肱

丁巳人日城南草堂雅集同用城字

天心惜良日假以三日晴春寒風草草佳招讌南
城瑟縮雞窠裏主人挽袖行招招覓舟子野航犯
冰稜憲宰橫塘路如聞戈甲聲老成復年少登堂
雜相迎各出新詩篇就我索題評醪茗有妙理譚
笑無俗情高喚荀陳輩仰天問占星八閩尚格鬪
三川正阻兵句吳僻江介風物獨昇平東南財賦

地追呼晝夜驚稍喜寬歲始尚可數日寧即事樂

所樂自餘非所營題詩緬達夫離家得道衡

謂莆田林

協工
協能

頭白此嘉會慨焉念平生

遊大石山房次友人韻

細路山園近軒窓豁遠天省心聊坐石養目一觀
泉笛韻清風乍棹聲白水偏正思浮世事林末動
長烟

舟中看雪用蔣文從韻

綏綏一夕灑林巒雙槳招攜載酒寬劫盡乾坤存

太素歲窮人物入高寒禁多風雅篇中見借少方
蓬海外看老我無才誇白戰醉歌欲起卧袁安

過城南草堂晚酌池上限韻一首

平池延遠眺欣對晚山尖有意憐夸父無疑決鄭
詹荷歌魚避釣林密鳥辭黏此地宜深酌當杯莫
故謙

顧湘源制遊歸示見懷詩次其韻

不才甘自棄行路敢辭難杜甫無妨瘦袁安却耐
寒陽阿晞髮近雲夢著胸寬愧爾達人話相思發

浩歎

原詩有斯言動良友
往往起長歎之句

城南晚集次韻

客來落日邊鳥歸識故處動酌區醉醒干吟忘去
住水濶蘋風交軒幽荷氣聚門迎荷蓀翁野興悠
然遇

次和崔客新葺小齋二首

新開楊子室覺與俗情疎漉酒逢良友緘詩寄遠
書委心觀萬化賴古惜三餘投分同莊惠相過共
灑如

幽居罕人事遠性識風疎坐隱初移局微竒別貯
書雀歸清夢裏琴入雅吟餘自愛吾廬好陶家如
不如

劍邨攜酌城南草堂次滄漁韻

攜尊來郭外紅褪渚蓮時地僻行人斷湖平落日
遲軍須方急武秋氣總闕詩正上原頭望高天月
一絲

丁巳九月二日金閭舟次別林協能

信宿相隨一舸輕金閭衰柳亂鴉鳴無多老淚重

經別有幾同心更送行百尺帆高秋水濶一尊酒
盡暮雲平分攜目斷方回首始信我儕不世情

贈陳均寧

人生秉微尚高卑強難同離離谷中草矯矯山上
松及春非不好勁節獨隆冬皇天下白日昭昭鑒
余衷勿謂匹士懷而能屈相從先民有詩書開向
一畝宮匣韜秋水劍壁掛無絃桐錯落動竒詠大
海生迴風我歌君且和俱已六十翁渺渺滄洲興
吾道無終窮

贈張以純三十生日

自余五十餘識君逾弱冠今歲甲子周君才及其
半君產白嶽下余家尚湖畔千里天各方同心協
爰豕芝蘭喜相投詩書從所玩人生落地時胡越
不可笑天心許相遭近遠互回換豈無同袍友微
尚岐河漢豈無同室人攸懷異冰炭胡迺得二難
如珪合璋判惟昔降仙驥丹頂素羽翰鳴聲旣清
越舞影亦零亂傳聞覓一見遂造城南館截雲留
斷雪果然得竒觀君家夢鶴夢千古仍未散怖鶴

依佛光馴鷗狎海岸雀就掌中粒惟避蘇合彈名
此良有以匪由肅薦裸敢謂一庭竹漫遣王猷看
因披金玉光握手一笑粲豈比鳩爲媒未假嚶聲
喚傾蓋成久要山石可使爛過從無信宿譚諧接
昏旦好花挹芳菲白月仰璀璨新詩脫手吟醇醪
持耳灌戶裏寒卧高釣下肌腸斷居然見推解再
歌復再嘆長君實告余客至君且竄子來知何緣
言笑式宴衍媿余老無能舊游久冰渙偶然託末
契遂爾金石貫信知三生因此理非誕謾昨日復

何日星河夜昭煥天孫罷機杼凌秋渡微瀾人間
痴兒女望拜不辭憚舉世競求巧爾我事直幹余
髮已種種君才獨精悍忝竊長以倍蝗梁每顏汗
逢君初度辰佳氣滿閭閻宵來朱雀窗有客竊窺
瞰星驅月爲御輪節重扶按羣真倘下來爲君夙
澡盥

和陶飲酒二十首 有序

余不好飲酒而好讀淵明飲酒詩猶坡公所謂
不能飲無出余下好酒無出余上也歲莫乘閒

和如其數以陶公之嗜飲初不徇拘飲事則余
之不嗜飲又何必篇篇有酒哉廣酒人之言恒
多謬誤醒者之言其謬誤未必不多于酒人也
如以次公之醒而狂代爲解嘲則吾豈敢

宙合非不廣出門無所之且免窮途慟亦異岐路
時永言竄樾蔭息影豈去茲暗蟲不自照讀書多
所疑繆思得一適殘簡聊自持

深亦不在水高亦不在山劃然解厥會所得君子
言禮耕義以種力學多豐年千秋賢與聖異世薪

火傳

屈子醒然者千載得其情有酒雖不飲豈顧身後
名陶公樂陶陶願酒足一生得酒終日醉高名百
世驚當知身不立醒醉兩無成

波平逝猶疾雲間亦自飛况彼狂馳子能毋令人
悲孳孳名與利中道失所依坐見驚流竭空雲滅
無歸貧賤不加損富貴時獨衰匪石不可轉吾意
詎能違

門辭長者轍鳥雀亦無喧清曉把書坐不覺白日

偏豁達窗戶裏爽氣來西山長烟吐卷舒高雲通
往還毘邪常杜口孔子欲無言

悠悠衆有口是非非所是有譽必有試况乃求全
毀敕斷俗中事吾黨逝爾爾且從飲美酒何用服
紈綺

食蟹誤八足餐菊辨始英讀書不熟讀何以得物
情窮經良匪易白首時運傾乍歷秋蟲響又接春
鳥鳴欣然一炳燭開卷見平生

許洞一竿竹刺眼青青姿清風吹葉葉白日寫枝

賣者言金卷第五
枝長影落平地拔
出曾中竒猗猗渭川上
千畝夫何爲何如獨立士
不受塵網羈

日日造朋舊壺觴爲我開
何必值良辰然後入竒
懷况茲值重九吟醉不相乖
看君足幽興誠合買
山樓高竹多依石新花不惹泥
清音自給耳宛與
宮商諧今是昨亦是涉途未曾迷
慨焉念歲暮星
紀又將迴

不擬送作郡何假道
姪隅薙草披棘明明出荒
塗惡灘不可涉折坂終難驅
安巢鷓已足滿腹龜
有餘問君校書閣何如草玄居

生寄死乃歸彭殤何足道
悠悠世間人恒嗟不及
老人生過下壽已非望
秋槁我擬營兆域塋中醉
朋好頗笑金盃出椎埋盜
其實何必丁令威千年
歸華表

一從桃源去世代知何時
即非神仙伍已與塵囂
辭猶嫌漁人至礙臆識
今茲向路不可得千載令
人疑俗中烹宰事傳聞
倘吾欺惜哉劉子驥規往
天奪之

歷物無給情履事無執境當饗不求飢卜飲非謀
醒隨君好身手要當保首領伊誰鈍如椎又誰脫
若穎勿逐日月光而矜爍火炳

過雲上秋山閭闔如可至恍惚叩天闕沈沈大帝
醉虎豹何疑疑重重著行次一折陶公翼撫已奪
所貴去來歸去來斯言良有味

西蜀揚雲亭南楚宋玉宅憑覽周九區何處無遺
跡破屋纔數間居此歲盈百朝來共草際又見新
霜白忽然感天運棄置復奚惜

生年未及壯桑海已屢經何如歷多劫天眼見壞
成昆嵐碎須彌水火亦游更且從小蒲團柏子叅
前庭把定月兔走不放天雞鳴廓然器界內有情
非有情

揮手時一招忽然動長風送目四海外層雲蕩胸
中呼吸憑一心帝座諒可通蒼蒼固有道未必曲
如弓

閒閒復閒閒得得復得得憂思渺然至從明不從
惑茫茫身世間千端不能塞遊心出霄漢生地落

水國當非爲壁觀終朝常默默

平生高懶癖未解干祿仕蠹卷如春蠶吐絲自縛
已障面過朱戶掃門寔深恥有酒取薄醉時一歌
下里頻年罹旱澇衣食無所紀世乏陽道州終歲
寡寧止先疇在草間悲哉獨何恃

世中率百僞不能敵一真仰觀黃虞代猶遜懷葛
淳滔滔勢莫返悠悠日趨新麟鳳出衰周鹿馬亂
強秦咸陽三月火時時見煙鹿以以宮闕麗不如
隴畝勤旣耕暇還讀日與詩書親不問鸞飛泉莫

識鵑啼津登山銳齒屐冒雨折角巾卑今抗古昔
知我是何人

觀菴詩鈔卷第五

觀菴詩鈔卷第六

漸于集三

常熟陸六敷先

張文鑰就菴編輯

同里後學

周楨無幹叅較

戊午正月十七日集宦客齋限韻

客歲今宵賦落燈旋從華館聚良朋
愁逢飲處竒兵出老覺吟邊逸
思騰玉雪春回庾嶺樹龍蛇
醉掃剡溪藤東風未信欺霜鬢
六曲闌干取次凭
湘南劍村見過適庭梅初發小集其下有作

見示次韻訓之

破屋頽垣一樹梅自持標格護荒苔才容殘卷三
間在久斷高軒二仲來隣酒漫勞呼取至
春風偏逐笑言回好詩媿尔殷勤寄不枉燈花昨
夜開

玉裁出酒命酌

贈榮西園北游

輕裝游子欲何之聞道秋風附驥時望裏艱難思
老母夢中宛轉泥嬌兒帝城宮闕圖畫易水衣
冠接酒卮分付襄陽出牀下不才多病莫吟詩

時蔣

莘田招同入京

中秋七日雨夜宿靜寄軒限韻

老來踈放屬狂夫勸酒還嗤性更迂

白集笑勸迂辛酒

生

子未應勝栗里哀時只許共唐衢關愁白雨簷牙
亂就熟黃雲隴首鋪為問中秋連夜月肯容孀獨
照人無

姚武功惠茗

夏景殊冲澹幽人送茗來紫芽涵細雨碧葉長驚
雷香沁仙蟬潤清祛夢蝶回未須生羽翼懷抱為

君開

次韻題渠上小築

地占茆塘去盡通西來浦淑此投東先時釋耒農
疇綠竟夕鳴柳漁火紅梁濶截迴雙塔兩帆輕吹
過兩湖風新來誰講三吳利水勢全收一望中

時有

議開白
茆者

同宦客過滄漁樓頭有詩見詒次韻奉荅

絃琴風入壁間鳴城下波迴翠靄生新雁著行應
北至殘陽落影任西傾詩窮飢鼠無留跡秋老寒

蚤強作聲不限三層斷賓客每勞釋卷笑將迎

次文從至日簡寄韻

岸容山意待時舒獨有雙眉鑠自如雲物豈勞野
叟望天祇應謹史官書
是日天槍始見兼旬未減筋骸老去輸
松勁興寄消來與竹踈堪笑畢生多習氣殘編猶
不廢三餘

春正二日集雲驤齋限韻

青鞋布襪過橋西半月春風草未齊愛看嵐光心
得地怕譚時事耳封泥安吟字句開顏笑中酒情

懷掩面啼欲向山僧問離垢早聞浴鼓度清溪

飲

浴于山寺

新正三日留滄漁小飲次來韻

春風春日泥春林綵勝今朝已耐簪少荅歲時唯
薄醉長留天地且狂吟見來山氣忘言在問到梅
枝託興深莫向老籤論杖晚

滄漁年才踰艾艱于步履

堯年曾

把雉羨斟

與在之飲周以寧齋兼示趙德鄰

二十論心歷四旬互看衰髮暗驚春長貧念爾兼

多病無病嗟余只益貧師友頻年同相圍文章千
古接比隣隙駒影裡前塵事一撫清觴一損神

次荅在之重用前韻見詒

九食何當閱幾旬無私亦忝荷芳春乾坤浩劫終
趨老花柳韶華不救貧甲第笙歌殘北里騷人詞
賦絕東隣

在之少工艷体詩

賣文從道難為活下筆年來

倍有神

壬戌十月之望蔣文從招同閩中張超然翁
岸甫金陵武裏白同里錢湘靈陳在之賈幼

陶泛舟西郊至錦峰日已夕矣舍舟登陸岐
路相失文從獨造峯頂月昏逕側同遊竊竊
慮之良久乃下洗盞更酌溯湖而返以人影
在地仰見明月爲韻分得仰字

自有山川來千古足竒賞脫略若可忽細領非鹵
莽經時處城市塵全殊濫漭瞥焉念高深寤寐勞
彷彿古人昔游處循時結遐想佳招得今日坡公
信堪仰雖非赤壁遊依然命蘭漿六媿雲間陸君
實杜陵蔣二仲或有餘飲中仙可倣山色青于眼

湖水平如掌中起萬道霞丹楓蔽丘壤日脚雜紅
白月魄夾昏朗抱琴即山麓鍾牙逝追曩岐途一
相失登頓惑下上賓朋半舟陸主人蹋雲往夜山
慎顛踣遠慮出惆悵下來發一笑何物葛陂杖遑
問世間人畢生屐幾緗中流恣夷猶童稚促歸榜
松門忽已違蘆汀不嫌枉經過湖上居堂閣頗軒
敞太半付瓦礫斯心獨惘惘回看滄洲趣何似東
西灑紅燭夜徐徐綠尊春盎盎但少橫空雀崆峒
渺仙仗眼前人世事不滿一席講黃帝有遺珠將

從索象罔茲遊雖細故亦足啟吾黨

人日張庭仙招飲懷尊甫宦客

衝泥皓首不須扶峭壁寒松撫畫圖坐客區年兼
醒醉窓梅畫地有榮枯人應後雁歸何日時合題
詩寄老夫却喜父風真不替紀羣再世得吾徒

陳在之作癸亥落花詩其序曰于窮于癸支

窮于亥癸亥三春不日不月蹊沉路斷時見
落花因有是作嗟乎歲窮于不日不月人窮
于無時無命飄茵墮溷物有如此人亦宜然

余讀而悲之為次其韻夫亦窮者之言也凡

八首

遺子餘民小劫花相遭脉脉感芳華青陽鸞輅垂
裳在白水柴門步屨差枝上君臣猶杜宇人間青
紫摠蝦蟇南史卞彬賦低飛解有依根意蕩子如何不

憶家

中林無復一枝梅花禪春闌兩孰催斷少神工能
數雨禁多怪事不驚雷手風量藥醫才去春來右手四

指患痺眼翳徵書客又來去年至今右會取佛陀拈

笑處本來無落亦無開

暮齒衰花各有宜分明人物與相期無端昔雨連
今雨并得千枝作一枝事到摧殘成隙易身安長
養報恩遲尋常護得還難護世上初無一定棋

同昏未抵日荒荒生白才餘一室光落寞梨雲尋
舊夢啾嘈梅月奪新粧

用趙師
雄事

情多浪喜依芳草

心死難飛遶畫梁正屬好時偏雨妬仍聞不殺有
嚴霜

賸許垂楊占碧流牙樯玉勒不成遊一春禪榻宜

花雨萬戶農疇急麥秋又育何從推兔腹相看即
恐戴魚頭未諳漁父無仙骨誤引來時不少留

斷飲昏昏雜醉醒懶回白首看青萍山稜不助吟
情健水氣渾擡戰血腥書裏生鱗封蠓蝓釣絲縈
片颺蜻蜓錦帆若覓雷塘路腐草今年足放螢

卓午熹微似夕曛更無飛絮舞紛紛杜陵客思年
年雨洛浦神光夜夜雲臺上鳳皇暗玉管樓中燕
子背蘭琴春明索漠如秋澹誰爲平將四序分
裳衣古法剩漁簑花落人頭漲綠波春事不隨干

劫盡林神却送一期過未須折角虛裁憤不爲觀

棋也爛柯最是無聲還貫耳銅駝故里聽來多鄧孝

威有銅駝故里落花聲之句東澗激賞之

同在之以寧集德隣齋

五十雲藍落眼明先有側理之贈腹腴兼媿軟炊秔輕風

夜淺凝紅燭細雨春迴動綠觥一代氏名占食德

百年心跡見陳情歸來重省鄉閭舊卧聽隣雞報

五更

次以寧韻寄德隣

歡顏爭羨萬間寬危語真愁觸劔端悶瘖筋骸還

雨鬧寂寥情緒更春闌鈍才豈必蒙錐露狂態何

妨刺字漫最是腕中新著鬼怕書詩句與人看新患

指病不良于書

平水心索題石谷畫冊十絕

白雲丙舍

靜樹悲風動停停垂獨角猶是舍親處回首雙淚

落

錦峰開障

何年巨靈胡蹴蹋試兩足青蒼倚天外屏風張六
六

尚湖漁艇

一絲引千鈞一目網天下未敢輕蓑笠恐有釣璜
者

碧溪春漲

溪流歷四時泓靜復蕭瑟天一固生水春生從可
識

橫塘夕照

相永天與水西傾際東注此時采蓮人已復蕩舟
去

隣墅炊煙

村村急糴殮青紫萬道起彷彿柴桑翁依依指墟
里

竹樹清陰

欲覓身心輕更荐裳衣冷爲語步驟士此中好息
影

村月書聲

開卷恣謠詠晦明喜無那連村夜如晝聲光兩相和

秋原牧笛

不落宮商調豈揀柯亭竹數聲落日邊隴頭禾已

熟

湖天雪霽

湖水涵天影雪岸平日脚回此世界春母為怪蕭

索

次張以純移居韻二首

品流與世素蕭疎不用南陽問草廬負戴全家堪

入畫經營隻手廢鈔書三年竹始連雲暗一日梅

重帶月鋤

始遷不及三年重有此役

買宅買隣多故事席門窮

巷意何如

詩史篇中見數間日長鳴鳥近花開張顛舊識南

沙路弘景何知烏目山不隔素心常款款自依同

氣共閑閑

前後所居與予及其昆季甚近

吾衰末契真堪託飽飯

殘年任往還

次扇頭韻寄贈吳陵張石樓

人間重喜得詩豪流品醇如近飲醪深淺有痕江
月白卷舒無迹海雲高傳君雅作千回賞添我秋
懷一倍勞寄語能來長者轍不辭荒逕剪蓬蒿

書扇示二饒

采采秋蘭雜佩紉莫知空歎國無人一年以長從
吾老九食恒飢共汝貧掌上雨雲看末俗眼中裘
馬記前塵刹那又屬觀河後父老東城剩此身

湘南自海陵乍歸即別口占一律送之

鱗鴻多怪寄書遲短棹輕裘慰我思客夢千端江

月見歸心一片海雲知句因耽瘴軍能張去酒爲
衝愁兵始竒剛喜燈前重握手臨河又是濯纓時

贈雪呼上人

世出男兒事輕將將相饒蓋頭茆一把束肚篋三
條理學揮松塵禪心對茗瓢姓名人不識本桐城方氏恒

以自諱白髮任飄蕭

二月一日枕上一首

幽思窅窅此心殘未覺乾坤眼界寬非病不妨頻
伏枕無糧何事轉加餐三更正聽孤燈爆二月猶

驚一雨寒明日樵蘇渾不愛休言愁絕太無端

贈瞿劍邨移居一首

稚川圖畫省當年藥白茶鐺共一舩用拙每慙輸
鵲巧出幽多喜看鶯遷五山作治遺風古

舊居莫邪城

獨樹爲村落影圓萬里橋西潭更北不離溪水聽
濺濺

懷趙聖傳浙行次周以寧韻

都無千里歛襟遲吳越天高摠繫思念毋應勤游
子意懷人兼助長年悲發言醒醉虛論酒信手輸

羸莫問棋日月依辰重九近寄言休負菊花期

張以純錄余覲菴詩書此爲贈

我有千首詩多年闕匣底脉望飢不食傖父傳相
詆往者未及壯孟浪謀劓或當問吳歛豈能越
巴里束板置高閣且任祖龍燬自此四十年一意
匿猥鄙未堪付弱女亦勿付兒子平生所藏書丹
黃跡累累性癖括竒秘抄錄護腦髓乃落愚頑手
一旦雲烟比常恐餘此編終焉作彼彼幸哉搜敝
篋楮墨故宛爾開卷風捎捎涉筆露泚泚不遭溷

中讎不登篋中紀吾友得張仲本屬天都士交我
二十年顧余惜暮齒請假勤手腕成帙列棊几餽
口走四方艱難擔行李用此恒自隨湖海無遠迹
歸來迫相就新篇索料理意欲藏名山傳人庶可
俟亦有少年輩逐臭如蘭芷吾其敢出手俾尔漫
臧否多君意良厚佳惡識所以古人有遺言得一
足知已不知老且病尚堪擘幾紙

觀菴詩鈔卷第六

跋

觀菴陸先生生平著作甚富戊申年自訂復存集
將少年百艷詩并曉劒齋玄要齋諸稿刪削殆盡
自先君與之友其所作輒爲繕寫十餘年又復成
帙至丙寅正月先生病篤屬先君曰我平日風花
雪月憂貧嘆老之什皆可不存存其師友往還贈
荅幾篇足矣余無子子能爲余序而行之予目瞑
矣先君子諾之而未暇以爲轉以命道淙道淙惟
宿諾之未踐即先志之未伸勉力鳩工合成六卷

至于討論決擇之功則出自無幹周先生道宗不敢強作解事也雍正元年九月下浣張道宗敬識



